

# GRANNANYTT

HER KJEM LITT SMÅNYTTIG INFORMASJON TIL DEG SOM HØYRER TIL I KRINSEN VÅR

*Indre Austsø Grannalag (LAG)*

## GRANNATUN

I 2015 fekk Grannatun midlar til kjøken etter søknadsprosess over fleire år. Til no har me fått tildelt 430.000, men me sokjer om meir.

Totalkostnad inkludert dognadsarbeid er rekna til om lag 800.000.

Arbeidet er godt i gong og all riving er ferdig. Kjøkkenet er planlagt ferdig april 2016. Det vil då verta innviingsfest/grannaveitla i mai/juni.

Sørveggen har fått ny kledning og måling, det er kome ny scenedør og i mai var det husvask. Året vart avslutta med ein vellukka jolaquiz, det var godt oppmøte og svært god stemning.



## RV.13 DEILDO

Strekninga Djupevik til Geithamrane skal bli sikra mot ras og utvidast. I to år framover blir riksvegen stengt inntil to timer om gongen.

Vegen skal vere open for vegfarande om morgonen (kl. 06:30-08:30) og ettermiddagen (kl. 13:30-16:00), slik at dei som skal til og frå jobb og skule kjem seg fram.

- Eg håpar trafikantane er merksame om stengeperiodane, men det kan også verte manuell dirigering i heile arbeidsperioden, mellom kl. 07:00 og 20:00, seier Terje Dagestad, byggjeleiar i Statens vegvesen. Prosjektet er planlagt skal stå ferdig sommaren 2018.

*JOLAQUIZ: Det glade vinnarlaget, med quizdommarane under den vellukka jolequizzen.  
Foto: Jorunn Sekse*

## GRANNABRYGGJO

Me har i dag 49 medlemmer og 35 har signert avtale om leige av båtplass. Ein båtplass kostar totalt 40.000 kr, og dei fyrtse 5000 kr må betalast med ein gong.

Me har plass til fleire medlemmer og fleire båtplassinteresserte. Medlemskontingenenten for 2016 er 200kr, som kan betalast til kontonr. 3530.27.96228. Dei som vil ha båtplass, må sende e-post til [grannabryggjo@gmail.com](mailto:grannabryggjo@gmail.com).

Styret jobbar med å få i stand eit møte med vegvesenet, for å inngå skriftleg avtale om massar frå Deildo-prosjektet. Me har også avtale med dei om å kjøpe tomta. Byggjesøknaden er under handsaming og er snart ferdig.



*PLANAR: Grannabryggjo og byggjefelt i Markastå.*

*Illustrasjon: Karl Arvid Andersen/Anve Tveit*

## BYGDEKVINNELAGET

I løpet av 2016 vil bygdekvinnelaget arrangera fire turar/friluftsarrangement, som er ein del av Norges Bygdekvinnelags prosjekt: "Bygda i bevegelse". Det vil kome informasjon om desse arrangementa seinare, og me håpar mange ønskjer å delta.

## BYGGJEFELT I MARKASTÅ

Innbyggjarane i Seksekrisen har i mange år etterlyst eit byggjefelt i krinsen, og hausten 2013 kom IAG på banen der eit av hovudarbeidsoppgåvene var å få i gong eit byggjefelt att.

Me undersøkte først mogelegheitene for eit felt i Stor/Sandstå. Etter konsulenthjelp frå Per Berge i Berge sag, anbefalte han at me burde starta på Markastå. I Markastå er det berre å gjera dei nødvendige utgravingar/registreingar før feltet er utbyggingsklart. Den kostnaden det vil medføra er liten når ein fordelar det på alle tomtene, og samanliknar med eit felt i Stor.

IAG har gjennom samtalar/brev med heradet arbeidd for å få i gong att eit byggjefelt. I budsjettmøtet i heradet den 17.11.2015 vart det vedteke å setja av ekstra midlar til planarbeid i Markastå. Planarbeidet skal utførast i løpet av 2016.

Utarbeiding av reguleringsplan er sendt ut på anbod og planen skal vera ferdig til sommaren og leggjast ut på høyring. Fyllingsløyve fekk me frå Fylkesmannen tidlegare i haust.

IAG vil gjerne vita kor mange som kan tenkja seg ein bustad i Markastå. Ta kontakt med oss dersom du er interessert, eller om du veit nokon som er interessert.

Send e-post til [post@indreaustsio.no](mailto:post@indreaustsio.no).

## FØYK

I 2015 var det 190 registrerte medlemmer i Føyk. Av desse er 120 vaksne og 70 born og ungdom. I året som har gått har Føyk blant anna kjøpt inn klatreutstyr, bordtennisbord, ropert og eigen Føyk fane. Brit Sexe Ulriksen er ny leiar, medan Bente Svoldal er nestleiar.

Idrettslaget på austsio har diskutert å slå seg saman til eit idrettslag saman med Harding allianse. Util, Kil og Harding allianse arbeider med dette, medan Føyk har valt å fortsetje som eige idrettslag.

### Liatraven 2015

26 personar gjennomførte alle fem turmåla til idrettslaget Føyk i 2015. Vinnar av vaksenklassen vart Gro Tveit med 613 poeng. I barneklassen vann Hans Magnus Andersen med 126 poeng. Totalt var det 1199 innskrivingar i bøkene. 14 personar hadde alle turmåla for fyrste gong.



TUR: Føyk har arrangert fleire kveldsmatturar. Her frå tur til Tveite på Espe. Foto: Valborg Sekse.

### Kjekt med idrettsmerke?

I år var det berre fire personar som tok idrettsmerke. Føyk ønskjer innspel på korleis interessa og oppmøte kan bli betre. Me treng hjelp frå deg! Send e-post til [foykil@gmail.com](mailto:foykil@gmail.com).

## ESPE GRANNALAG

I løpet av 2015 har det kome varmepumpe i spisesalen og nytt kjøkken som berre manglar litt småflikking. Seks dugnadslag fekk målt grendahuset i månadsskiftet mai/juni. I tillegg er mur til rekkverk rundt uteplass laga.



*STOR DUGNADSINNSATS: I månadsskiftet mai/juni vart grendahuset målt. Foto: Liv-Gunn Strand*

I byrjinga av januar i år stod toaletta for tur, og desse er no ferdige. Framleis er det mange andre oppgåver å ta tak i utover året.

Av arrangement har Grannalaget stått for haustfest, smalahovefest, juledans og juletrefest for barn. Gamaldansen vart avlyst, men me håpar på å få til eit arrangement seinare.

### Styret i Indre Austsio Grannalag 2016

Karl Arvid Andersen

Anve Tveit

Hildegunn Espe

Kristin Eide

Iren Lunde Knutsen

Bjørn Terje Svoldal

Kirsti Solheim (ny)

## TO ÅRS MARKERING

Etter to år, fann styret på at dei ville markera det som var gjort så langt. Og det er ikkje lite.



*MARKERING: Stort oppmøte på to års markeringa av LAG. Foto: Johannes H. Sekse*

Den 10. november i fjor – nesten på dagen to år etter at IAG vart skipa, møttest eit utvida styre – til saman 14 personar i den same stova på Øvsta Sekse.

Leiar Karl Arvid Andersen ynskte velkommen og orienterte om saker som Grannalaget har arbeidd med.

IAG kom i stand etter langvarig frustrasjon over heradet si nedprioritering av Seksekrisen, og har fått til mykje på desse to åra. Eit tungrodd byråkrati og neste stoppa oss på enkelte område. Difor var det svært viktig at me fekk eit signalprosjekt å skilta med - nemleg Sekse Båthamn.

Fleire hundre timars dugnadsarbeid og møteverksemder etterpå vart reguleringsplanen godkjent den 7. september i fjor. Utgiftene er stort sett finansiert ved medlemspengar og Grasrotmidlar frå Norsk Tipping. Byggjefelt har vore det neste store prosjektet.

Mange skjær i sjøen og eit herad som slett ikkje hadde planar i tråd med det me håpte på. Trass fagre ord før val og propaganda i heradsplanen. Når det gjeld oss her inne brukar dei stort sett uthalingstaktikk. Ingen teikn til initiativ frå heradet. Dei har sjølv uttalt at dei satsar på «sentrumsnære» tiltak.

Deretter orienterte Siv om Grannabryggjo, Iren om økonomien, Arvid om bustadfelt og Karl Arvid om vegljos. Me drøfta elles innspel til heradsbudsjettet og framtidige inntektskjelder.

Det var og «spleisa» saman til litt godt å eta og drikka, og den sosiale praten gjekk lett og greitt rundt bordet ei stund.

Referat: Johannes H. Sekse

## MARKNAD I GRANNATUN

Sundag 14.februar var det marknad i Grannatun. Så mange som rundt 80 personer var innom. Det var mange fine premier som både bedrifter og private hadde gitt. Det kom inn 40.000 kr, stor takk til alle.



*MARKNAD: Mange tok turen til Grannatun og var med på marknad. Foto: Johannes H. Sekse*

Bygdaprofilen:

## Tale-røyret i NRK Hordaland

Ho brukar bilen til kontor. Det kjekkaste ho veit er å dansa og å koma seg til fjells.



KONTORET Bilen er arbeidsplassen til Tale Hauso. Med den kjem ho seg fram og frå den kan ho senda lyd, tekst og bilet til både Bergen og Oslo. Foto: Johannes H. Sekse

Denne gongen har Grannanytt valt ut Tale Hauso som bygdaprofil, mellom anna fordi ho er ein av dei nye medarbeidarane i Grannanytt. Det er ei smilande og sprudlende blid jente som svingar bilen opp i tunet på Øvsta Sekse ein vårleg februar dag. Me har avtalt eit lite intervju. Og me byrjar like godt med:

- *Kem æ du?*

- Eg er 24 år og av god fjorda-blanding. Far min kjem frå vestsida, mens eg er fødd og oppvachsen i Odda og etter ein joladans på Espe for sju år sidan, hamna eg etter kvart her på Austsjo. Det var nemleg der ho møtte Jan Sandven som etter kvart kjøpte seg gard på Nedre Børve.

- *Har du alltid hatt lysta å verta journalist?*

- Vegen har vel gått seg til etter kvart og har gjerne vore styrt av ein del tilfeldigheiter. Men eg har alltid vilja heim att til Hardanger.

Etter tre år ved Odda vidaregåande skule, studerte Tale ved Universitetet i Bergen. Der tok ho Bachelor i Samanliknande politikk. Etter det søkte ho og kom inn på NRK Nynorsk Mediesenter i Førde. Praksisen fekk ho i NRK Hordaland, som truleg vart dørspnaren.

Fyrst fekk ho eit vikariat for Marte Rommetveit på Stord. Då Egil Torheim gav seg, dekka Tale både Sunnhordland og Hardanger ein periode. Då stillinga hans vart lyst ut, søkte ho og fekk jobben.

Tale jobbar både med radio, nett og tv. I dag må du kunna alt. Hovudgeskjeften er å laga ein god og aktuell lokalradio, men kvar dagen skiftar fort. Første sundag i februar måtte ho rykkja ut til husbrann i Odda og dekka sakar for Dagsrevyen. Så var det rett over på Klassequiz dagen etter – stor overgang frå noko djupt tragisk til noko langt meir triveleg og kjekt.


At Tale er glad i å prata med folk, likar seg saman med andre og alltid har vore glad i å skriva, er heller ikkje til meins i jobben hennar.

Heime på garden, der dei driv med både sauar og frukt, hjelper Tale til med det meste. Det har vore svært mykje å gjera med bustadhuset. Så då er det eit spørsmål om det vert tid til nokon hobbyar.

- Å joda! Ein del i alle fall.

Tale deltek på trim/trening både på Sekse og Lofthus, og veldig glad i å gå i fjellet. Toppen er difor å kunna gå til fjells med sauene, eller ta seg ei ferieveke i Kinsekvelv. Å reise på dans seier ho heller ikkje nei til, for Tale elskar å danse.

-Send gjerne inn forslag til  
nesten bygdaprofil!



## Aktivitetskalender våren 2016

Månad/dato	AKTIVITET
<b>MARS</b>	
02.	Espe bygdekvinnelag kl.18.00
03.	Møte i eldrelaget, i Espe Grendahus kl 16.00
	Hugs påmelding til Grannaveitla!
06.	Påskebingo i Espe Grendahus
10.	Strikkekafè, bygdarommet i barnehagen
12.	Grannaveitla i Espe Grendahus kl 20.00
15.	Årsmøte Grannatun kl. 19.00
21. – 28.	Påskeferie
	Årsmøte i Grannabryggjo (midten/slutten av mars)
<b>APRIL</b>	
6.	Espe bygdekvinnelag kl 18.00
7.	Strikkekafè
	Møte i eldrelaget, i Espe Grendahus kl 16.00
<b>MAI</b>	
5.	Kr.Himmelfartsdag
12.	Strikkekafè
	Dagstur med Eldrelaget
17. mai	Feiring på Sekse 🇳🇴
<b>JUNI</b>	
-	Innviingsfest/Grannaveitla i mai/juni

Endringar og fleire aktivitetar kan kome, så minner om facebooksida og heimesida vår: [www.indreaustsio.no](http://www.indreaustsio.no), der mykje informasjon kring aktivitet i krinsen vert lagt ut. Fyll gjerne inn sjølv i kalenderen.

# GRANNANYTT

INDRE AUSTSIO GRANALAG



## Føyk IL, trening våren 2016

	Årsklasse	Klokkeslett	Aktivitet	Ansvarleg
Måndag	1.-2. klasse	18.00 – 19.00	Idrettskule	Div. trenarar
Tysdag	3.-5. klasse	18.00 – 19.00	Idrettskulle	Div. trenarar
	13 - 19 år	19.00 – 20.00	Div gymsaltrening	Olav Guddal
	Damer (+ 16 år)	20.00 – 21.00	Styrke/sirkeltrening	Kristin Holsen Børve
Onsdag	6.-7. klasse	18.00 – 19.00	Idrettskule	Div. trenarar
	18 år +	19.00 – 20.00	Bodypump	Anita Sævdal
	Vaksen	19.00 -	Tur rundt Sekse	Anve Tveit
Torsdag	Herretrening (+15år)	19.30 – 21.00	Ballspel, sirkeltrening, styrke	Magnus Steigedal
Fredag		19.00 – 20.00 etter avtale	Badminton	Geir Guddal, tlf nr. 90794640
Oppdatert og detaljert oversikt finn dykk på <a href="http://www.indreaustsio.no">www.indreaustsio.no</a> . Følg og Føyk på Facebook!				

### HUGS KONTIGENTEN FOR 2016

Grannalaget er avhengig av å få mange medlem. Både dei som bur i - og dei som har tilknyting til krinsen - kan vera medlemmer.

Medlemskontingensten i IAG er sett til kr 100 pr. husstand. Konto nr. 3530 27 67864.

Hugs å få med namnet på alle i familien. Me håpar at flest mogeleg vil melda seg inn for å visa at vi står samla på tvers av dei tradisjonelle grensene.

Grasrotandelen er ei særsviktig inntektskjelde for IAG og me vonar flest mogeleg vil hjelpe oss der.

GRANNANYTT

JOHANNES H. SEKSE

TALE HAUSO

KARL ARVID ANDERSEN

[post@indreaustsio.no](mailto:post@indreaustsio.no)

[www.indreaustsio.no](http://www.indreaustsio.no)